



Broj: 1884/25

Datum: 08.08.2025. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, preporuke Komisije za provođenje postupka javne nabavke utvrđene u Zapisniku o pregledu i ocjeni ponuda broj: 1881/25 od 07.08.2025. godine, direktor JP „LOKOM“ d.o.o. Sarajevo, **d o n o s i**

O D L U K U

O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za provođenje postupka javne nabavke i Okvirni sporazum za nabavku usluga održavanja motornih vozila - **LOT 3: Usluge održavanja kamiona marke MAN**, na period od tri godine, dodjeljuje se ponuđaču: TDS d.o.o. Sarajevo, ul. Bačići br. 62, 71000 Sarajevo sa cijenom ponude u iznosu od 9.086,50 KM bez PDV-a, odnosno 10.631,21 KM sa PDV-om.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema Odluke o izboru najpovoljnijeg ponuđača, dostavi dokumentaciju traženu tačkom 3.1.3. tenderske dokumentacije koja se odnosi na član 45. stav (2) Zakona o javnim nabavkama.

Član 3.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 4.

Protiv ove Odluke dozvoljena je žalba u roku od 10 (deset) dana od dana prijema iste.

O b r a z l o ž e n j e

Postupak za javnu nabavku usluga održavanja motornih vozila, putem otvorenog postupka, pokrenut je Odlukom o pokretanju postupka javne nabavke br. 1671/25 od 08.07.2025. godine.

Ukupna procijenjena vrijednost javne nabavke iznosi 130.000,00 KM bez PDV-a.

Shodno članu 16. Zakona o javnim nabavkama predmetni postupak javne nabavke je podijeljen na tri lota, i to: LOT 1: Usluge održavanja motornih vozila, LOT 2: Usluge održavanja motornog vozila marke FIAT i LOT 3: Usluge održavanja kamiona marke MAN. Procijenjena vrijednost javne nabavke za LOT 3 iznosi do 35.000,00 KM bez PDV-a. Obzirom da nije bilo moguće predvidjeti tačnu ni okvirnu količinu predmetnih usluga, tenderskom dokumentacijom je propisano da će se okvirni sporazum dodijeliti i zaključiti na procijenjenu vrijednost nabavke (za svaki LOT), a svi ugovori zaključeni na osnovu okvirnog sporazuma zbirno ne mogu preći utvrđeni maksimalni iznos predviđenih finansijskih sredstava okvirnog sporazuma za pojedini LOT.

Obavještenje o nabavci i tenderska dokumentacija su objavljeni na Portalu javnih nabavki dana 08.07.2025. godine u 15:49 sati pod brojem: 269-1-2-104-3-87/25, a sažetak Obavještenja o nabavci objavljen je u „Službenom glasniku BiH – Oglasnik javne nabavke“ br. 40/25 dana 11.07.2025. godine.

Komisija za provođenje postupka javne nabavke imenovana je Rješenjem broj: 1672/25 od 08.07.2025. godine.



Protekom zakonskog roka za dostavljanje ponuda, Zapisnikom o zaprimanju ponuda, broj: 1800/25 od 29.07.2025. godine i Zapisnikom o otvaranju ponuda, broj: 1801/25 od 29.07.2025. godine, konstatovano je da je blagovremeno zaprimljena jedna ponuda, i to ponuđača: TDS d.o.o. Sarajevo.

Nadalje, u skladu sa članom 65. Zakona o javnim nabavkama, Komisija je izvršila pregled i ocjenu dostavljene ponude, te sačinila Zapisnik o pregledu i ocjeni ponuda, kojim je utvrdila da je ponuda ponuđača TDS d.o.o. Sarajevo prihvatljiva, odnosno ista ispunjava kvalifikacione i formalno-pravne uslove tražene u tenderskoj dokumentaciji i ista ne prelazi planirana, odnosno osigurana novčana sredstva ugovornog organa za predmetnu nabavku. U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija je izvršila provjeru računске ispravnosti ponude ponuđača TDS d.o.o. Sarajevo, te konstatovala da u ponudi nije bilo računskih grešaka.

Detaljno obrazloženje oko evaluacije ponude, dato je u Zapisniku o pregledu i ocjeni ponuda broj: 1881/25 od 07.08.2025. godine.

Shodno naprijed navedenom Komisija je, u skladu sa članom 64. stav (1) tačka b) Zakona, izvršila rangiranje prihvatljivih ponuda, i to kako slijedi:

1. TDS d.o.o. Sarajevo sa cijenom od 9.086,50 KM bez PDV-a.

Tenderskom dokumentacijom u tački 4.13. predviđeno je provođenje e-Aukcije. U skladu sa članom 5. stav (1) Pravilnika o uslovima i načinu korištenja e-Aukcije („Službeni glasnik BiH“, br. 80/23), prije zakazivanja e-Aukcije ugovorni organ u sistem e-Nabavke unosi sve prihvatljive ponude. Članom 4. stav (2) navedenog Pravilnika propisano je da se u slučaju prijema jedne prihvatljive ponude e-Aukcija ne zakazuje.

Za ovaj postupak javne nabavke predviđeno je potpisivanje okvirnog sporazuma sa jednim ponuđačem na iznos procijenjene vrijednosti na period od 3 (tri) godine.

Shodno naprijed navedenom, okvirni sporazum se će se zaključiti na iznos od 35.000,00 KM bez PDV-a, a ukupna plaćanja bez PDV-a na osnovu svih ugovora sklopljenih na osnovu zaključenog okvirnog sporazuma ne smiju prelaziti procijenjenu vrijednost nabavke.

U skladu sa naprijed navedenim, komisija za javne nabavke, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača TDS d.o.o. Sarajevo u predmetnom postupku javne nabavke.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

JP "LOKOM" d.o.o. Sarajevo

Direktor

Adnan Šabanović

Dostaviti:

1. TDS d.o.o. Sarajevo,
2. Službena stranica Preduzeća,
3. Komisija za javne nabavke,
4. a/a.